

st. Dr.

40778

I

*Teol. 599<sup>h</sup>*

# OFFICIUM

Gratiarum actionis,

Pro victoria ex Turcis obtenta,

M. DC. XXI. die 10. Octobr.

Sub ritu duplici celebrandum.

*A Sacra Rituum Congregatione recogni-  
tum & approbatum.*


*Rev. B. Rom. S. Marinae etc.*  
Auctoritate Ill<sup>mi</sup> & R<sup>md</sup>mi Dñi,

D. IOANNIS WĘZYK,

Archiepiscopi Gnes<sup>n</sup>: L. N. R. P. P.

Primiq; Principis,

*Editum.*



CRACOVIAE,

*Officina Andrea Petricouij, S. R. M. Typogra-  
phi. Anno Domini, 1635.*

THE  
OFFICE OF THE  
PROVINCIAL CLERK  
OF THE  
PROVINCE OF  
NEW BRUNSWICK  
AND  
THE  
COUNTY OF  
GLoucester  
IN THE  
TOWN OF  
NEW BRUNSWICK  
ON THE  
21st DAY OF  
JANUARY 1880  
I HEREBY  
CERTIFY THAT  
THE  
FOLLOWING  
IS A  
TRUE AND  
CORRECT  
COPY OF  
THE  
ORIGINAL  
AS THE SAME  
RECEIVED  
OF THE  
PROVINCIAL  
CLERK OF THE  
PROVINCE OF  
NEW BRUNSWICK  
AND THE  
COUNTY OF  
GLoucester  
ON THE  
21st DAY OF  
JANUARY 1880  
IN WITNESS  
WHEREOF  
I HAVE  
SIGNED  
THIS  
CERTIFICATE  
AT  
NEW BRUNSWICK  
ON THE  
21st DAY OF  
JANUARY 1880  
THE  
PROVINCIAL  
CLERK OF THE  
PROVINCE OF  
NEW BRUNSWICK  
AND THE  
COUNTY OF  
GLoucester

P

m  
A  
in  
P  
A  
m  
A  
fa  
u  
A  
c  
m

I  
ro  
t





I

## OFFICIUM

Gratiarum actionis,

*Pro victoria ex Turcis obtenta, 1621.  
die 10. Octobris.*

40. 178

T

## AD VESPERAS.

**C**Antemus Domino, glorioſe enim magni-  
ficatus eſt, equum & aſcenſorem deiecit in  
mare. P ſal. *Dixit Dominus.*Antiph. Dextera tua, Domine, magnificata eſt  
in fortitudine: dextera tua percuffit inimicum.P ſal. *Confitebor tibi.*Antiph. Arcus fortium ſuperatus eſt, & infir-  
mi accincti ſunt robore. P ſal. *Beatus vir.*Antiph. Iuſti decantauerunt, Domine, nomen  
ſanctum tuum, & victricem manum tuam lauda-  
uerunt pariter. P ſal. *Laudate pueri.*Antiph. Ego autem in Domino gaudebo, &  
exultabo in Deo Ieſu meo. P ſal. *Laudate Domi-  
num omnes gentes.*

## Capitul: 2. Cor. 1.

**B**enedictus Deus, & Pater Domini noſtri Ie-  
ſu Chriſti, Pater miſericordiarum, & Deus  
totius conſolationis, qui conſolatur nos in omni  
tribulatione noſtra.

A 2

Hym.

## Officium

## H Y M N V S.

**S** Vpreme regum Rex bone,  
Fons pacis & victoriae,  
Deus Pater sperantium,  
Vltor superbientium.

**A** diussa cuius turgida  
Maris procellae subsident:  
Iras leones exuunt,  
Sol stat stupens, nec se mouens.

**Q**uo fulgurante desuper  
Gentes feroces expaurent:  
Hostes tremunt, mali fremunt,  
Boni triumphant gaudio.

**T**u barbaros Osmanicos  
Apros, fugas è vinea:  
Poloniae Regnum tuae  
A clade dira vindicans.

**E**rgo tuo celsissimo  
Sit nomini laus gloria;  
Qui trinus, ac vnus Deus,  
Per saecula viuus omnia, Amen.

✠. Sancti per fidem fortes facti sunt in bello.  
✠. Castra verterunt exterorum.

## Ad Magnificat Antiph.

Benedictus Dominus Deus noster, qui docet  
manus meas ad praeliū, & digitos meos ad bellum.

## O R A T I O.

**D**eus, qui in summis Regni nostri peri-  
culis antiqua brachij tui miracula re-  
nouâsti:

Gratiarum actionis.

3

nouasti: suscipe gratiarum actiones exultantium populorum: & quibus tanti gaudij causam præstitisti, perpetuæ fructum concede lætitiæ. Per Dominū nostrū &c.

Ad Matutinum, Inuitatorium.

Rege qui redimit de interitu vitā: Venite adoremus. Psal. Venite exultemus.

Hymnus. ut in primis Vesp.

In primo Nocturno Antiph.

**F**ortitudo mea & laus mea Dominus, & factus est mihi in salutem.

Psal. Domine Dominus noster.

Antiph. Dignus es Domine accipere gloriam, honorem, & virtutem. Psal. Cæli enarrant.

Antiph. Tua est Domine, magnificentia, & potentia, & gloria atq; victoria. Psal. Domini est terra.

ʒ. Benedic anima mea Domino.

ʒ. Et omnia quæ intra me sunt, nomini sancto eius.

Lectio I.

De libro secundo Machab. Cap: 15.

**E**T Nicanor quidem cum summa superbia erectus, cogitauerat commune trophæum statuere de Iuda. Machabæus autem semper confidebat cum omni spe auxilium sibi à Deo affuturum: & hortabatur suos, ne formidarent ad aduentum nationum, sed in mente haberent adiutoria facta de

A 3

cælo



## Officium

cælo, & nunc sperarent ab omnipotente sibi af-  
futuram victoriam. Et allocutus eos de lege, &  
Prophetis, admonens etiam certamina, quæ fece-  
rant prius, promptiores constituit eos: & ita ani-  
mis eorum erectis, simul ostendebat Gentium fal-  
laciā, & iuramentorum præuāricationem. Sin-  
gulos autem illorum armauit, non clypei & hastæ  
munitione, sed sermonibus optimis, & exhorta-  
tionibus. Exhortati itaque Iudæ sermonibus bo-  
nis valde, & de quibus extolli posset impetus, &  
animi iuuenum cōfortari, statuerunt dimicare, &  
configere fortiter, vt virtus de negotijs iudicaret.

℞. Facile est concludi multos in manu pau-  
corum, & non est differentia in conspectu Dei cæ-  
li: Liberare in multis & in paucis. ℣. Non in  
multitudine exercitus victoria belli, sed de cælo  
fortitudo est. Liberare. Lectio 11.

**E**T cū iam omnes sperarent iudicium futu-  
rum, hostesq; adessent, atque exercitus esset  
ordinatus, bestię, equitesq; oportuno in loco cō-  
positi: considerans Machabæus aduentum multi-  
tudinis, & apparatus varium armorum, & fero-  
citatē bestiarnm, extendens manus in cælum, pro-  
digia facientem Dominum inuocauit, qui non se-  
cundū armorum potentiam, sed prout ipsi pla-  
cet, dat dignis victoriam. Dixit autem inuocans  
hoc modo: Tu Domine, qui misisti Angelum tu-  
um sub Ezechia Rege Iuda, & interfecisti de Ca-  
stris Senacherib centum octoginta quinq; millia;  
& nunc dominator cælorum mitte Angelum tuū  
bonum

## Gratiarum actionis.

5

bonum ante nos, in timore & tremore magnitudinis brachij tui, vt metuant qui cum blasphemia veniunt aduersus sanctum populum tuum.

**R.** Quis similis tui in fortibus Domine, quis similis tui? Magnificus in sanctitate: Terribilis, atque laudabilis, & faciens mirabilia. **Ÿ.** Dux fuisti in misericordia populo, quem redemisti. Terribilis &c.

## Lectio III.

**N**icanor autem, & qui cum ipso erant, cum tubis & canticis admouebant. Iudas verò & qui cum eo erant, inuocato Deo per orationem, congressi sunt: manu quidem pugnantes, sed Dominum cordibus orantes, prostrauerunt non minùs triginta quinque millia, præsentia Dei magnificè delectati. Cumque cessassent, & cum gaudio redirent, cognouerunt Nicanorem ruisse cum armis suis. Facto autem clamore, & perturbatione excitatâ, patriâ voce omnipotentem Dominum benedicebant. Itaque omnes communi consilio decreuerunt, nullo modo diem istum absque celebritate præterire.

**R.** Procedebant viginti quatuor seniores ante sedentem in throno, & adorabant viuentem in sæcula sæculorum. Et mittebant coronas suas ante thronum. **Ÿ.** Dignus es Domine Deus noster accipere gloriam, honorem, & virtutem. Et mittebant. Gloria. Et mittebant.

In secundo Nocturno Antiphonæ.

A 4

Adonai



**A** Donai Domine, magnus es tu, & præclarus  
in virtute tua, & quem superare nemo potest.  
Psal. *Omnes gentes plaudite.*

Antiph. Non in multitudine exercitus victoria  
belli, sed de cælo fortitudo est. Psal. *Magnus  
Dominus.*

Antiph. Vir obediens loquetur victoriam, vir  
impius procaciter obfirmat vultum suum.

Psal. *Deus iudicium tuum.*

℣. Iste Deus meus, & glorificabo eum.

℟. Deus patris mei, & exaltabo eum.

#### Lectio IV.

**S**IGISMUNDO Tertio R E G E, Osmanus  
Turcarum tyrannus, immensis ex Europa, Asia,  
Africa, contractis copijs, Tartarorum etiam Prin-  
cipe, qui longè maiorem iusto ducebat exercitum,  
in belli societatem accito, Reipublicæ Christianæ  
vastitatem atque excidium minitans, in Poloniam  
mouit. Tanti aduentantis hostis fama minimè cō-  
sternatus SIGISMUNDVS, cū sciret non in  
multitudine exercitus victoriam, sed de cælo es-  
se fortitudinem, ope diuina suppliciter imploratā,  
Dei génitrice, Regnique Patrōnis conciliatis,  
fortiter, constanterque bellum suscepit.

℣. Tu venis ad me cum gladio & hasta & cly-  
peo: Ego autem venio ad te in nomine Domini  
exercituum. ℣. Dabit te Dominus in manu mea,  
& percutiam te, & auferam caput tuum. Ego au-  
tem venio.

#### Lectio V.

Premisu

**P**remissus ad fines Poloniae non maximo numero exercitus, qui hostem sustineret, dum SIGISMUNDVS omnem Regni nobilitatem trahens adueniret. Castra in hostili ditone ad Chocimum posita, vt bellum potius inferre, quam illatum repellere Poloni viderentur. Decies, & quidem comite semper victoria, acie pugnatum: toties à castrorum oppugnatione ingenti cum clade reiectus hostis: toties erupere nostri feliciter: Turcarum stationes prosperè toties incurfauere: vt Dominum exercituum à nobis stare apertissimè pateret.

¶ Persequabatur vnus mille: Et duo fugabant decem millia. ¶ Nonne ideo quia Deus suus vendidit eos, & Dominus conclusit illos? Et duo.

### LECTIO VI.

**F**racta tandem, tot cladibus inflicta, Osmani contumacia, cum se frustra aduersus Deum pugnare intellexisset, ad ipsos Poloniae fines eodem in loco mensem integrum, eoque amplius hæssisset inglorius, sexaginta militum millia caesa desideraret, maiorem longe numerum belli incommoda absumpssissent, stratos suorum cadaueribus vndique campos cerneret, ipse iam SIGISMUNDVS cum Poloniae flore maioribus copijs immineret: qui bellum intulerat, pacem expetijt. acceptisq; cõditionibus Sexto Idus Octobr: prior castra mouit, ex appetita armis Polonia nihil omnino præter ignominiam & dedecus reportaturus. Is dies, in tanti beneficij memoriam, vt Deo

## 8 Officium

sacer, festusq; Poloniæ, ac solemnis perpetuò in posterum foret, SIGISMUNDVS ipse REX, Regniq; Antistites à Gregorio Quintodecimo impetrauere. Mox VLADISLAVO, qui parenti successerat, & in castris tempore belli fuerat, vt proprio ac peculiari officio, ad gratias agēdas accommodato, horas Canonicas eodem die Polonia persolueret, VRBANVS Octauus indulxit.

R. Dextera tua Domine magnificata est in fortitudine: Dextera tua Domine percussit inimicū.

Y. In multitudine gloriæ tuæ deposuisti aduersarios tuos. Dextera tua. Gloria. Dextera tua.

### In tertio Nocturno, Antiphonæ.

**A** Edificauit Moyſes altare, & vocauit nomen eius Dominus exaltatio mea.

Psalm. *Cantate Domino canticum nouum.*

Antiph. Dominus conteret bella, Dominus nomen est illi. Psalm. *Dominus regnauit.*

Antiph. Dominum formidabunt aduersarij eius, & super ipsos in cœlis tonabit.

Psalm. *Cantate Domino canticum nouum: quia.*

Y. Benedic anima mea Domino.

R. Domine Deus meus, magnificatus es vehementer.

### Lectio VII.

Lectio S. Euangelij secundū Lucā. Cap: 21.

**I**n illo tempore; Dixit Iesus discipulis suis: Cū audieritis prælia & seditiones, nolite terreri: oportet enim primū hæc fieri; sed nondum statim finis. Et reliqua.

Homil.



## Gratiarum actionis.

Homilia sancti Gregorij Papæ.

Homil: 35. in Euang.

**D**ominus ac Redemptor noster, perituri mundi præcurrentia mala denūciat: vt eò minùs perturbent venientia, quò fuerint præscita. Minùs enim iacula feriunt quæ prævidentur: & nos tolerabilius mundi mala suscipimus, si contra hæc per præscientiæ clypeum munimur. Ecce etenim dicit: Cùm audieritis prælia & seditiones, nolite terreri: oportet enim primùm hæc fieri, sed nondum statim finis. Pensanda sunt verba Redemptoris nostri, per quæ nos aliud interius, aliud exterius passuros esse denuciat. Bella quippe ad hostes pertinent, seditiones ad ciues. Vt ergo nos indicet interius exteriusque turbari, aliud nos fatetur ab hostibus, aliud à fratribus perpeti.

℞. Reddidit Dominus iustis mercedem laborū suorum, & deduxit eos in via mirabili: Et fuit illis in velamento diei, & in luce stellarum per noctē.

℣. Transtulit eos per mare rubrum, & transiit eos per aquam nimiam. Et fuit illis.

### Lectio VIII.

**S**ed his malis præuenientibus, quia non statim finis sequatur, adiungit. Surget gens contra gentem, & regnum aduersus regnum; & terræ motus magni erunt per loca, & pestilentia, & fames, terroresque de cælo, & signa magna erunt. Vltima tribulatio multis tribulationibus præuenitur: & per crebra mala quæ præueniunt, indicantur mala perpetua, quæ sublequentur. Et ideo post  
belle

bella & seditiones non statim finis: quia multa debent mala præcurrere, vt malum valeant sine fine nunciare.

R. Iusti tulerunt spolia impiorum, & decantauerunt, Domine, nomen sanctum tuum:

E t victtricem manum tuam laudauerunt pariter:  
V. Sapiencia aperuit os mutorum, & linguas infantium facit disertas. E t victtricem. Gloria.  
E t victtricem.

### Lectio IX.

Sed cum tot signa perturbationis dicta sint, oportet, vt eorum consideratione breuiter singula perstringamus: quia necesse est, vt alia è cælo, alia è terra, alia ab elemētis, alia ab hominibus patiamur. Agit enim: Surget gens contra gentem, ecce perturbatio hominum: erunt pestilentia, ecce inæqualitas corporum: ecce fames, ecce sterilitas terræ, terroresque de cælo & tempestates, ecce inæqualitas corporis. Quia ergo omnia consumanda sunt, ante consummationem omnia perturbantur: & qui in cunctis deliquimus, in cunctis ferimur, vt impleatur quod dicitur, & pugnabit pro eo orbis terrarum contra inensatos.

T e Deum laudamus,

Ad Laudes & per Horas, Antiph.

Cantemus Domino. vt supra in 1. Vesp.

Capitul: 2. Cor. 1.

Benedictus Deus & Pater Domini nostri Iesu Christi, Pater misericordiarum, & Deus totius consolationis, qui consolatur nos in omni tribulatione nostra.

Hymnus.

## H Y M N V S.

**R**ex magne, Rex altissime,  
 Virtutis è Throno tuæ  
 Æternitatem patiens,  
 Et regna mundi transferens.

Quàm sunt inaccessæ tui  
 Profunditates consilij!  
 Vt est procul cœlum solo,  
 Arcana sic procul tuæ.

Trax en, furoris ferrea  
 Qui virga diuini fuit,  
 Nunc ipse pœnas acriter  
 Iussu tuo, demens, luit.

Sic corda, quando cæteris  
 Cædem superbè detonant,  
 Cæduntur, & casu suo  
 Dei timorem prædicant.

Patri Deo sit gloria,  
 Eiusque soli Filio,  
 Cùm Spiritu, qui perpeti  
 Mundum regit custodia. Amen.

†. Non est similis tui in dijs Domine.

‡. Et non est secundum opera tua.

## Ad Benedictus Antiphona.

Benedicimus Deum cœli, & coram omnibus  
 viuentibus confitebimur ei, quia fecit nobiscum,  
 misericordiam suam. O ratio, vt supra ad Vesp.

## Ad Tertiam Capitulum. 2. Cor. I.

Benedi-



**B**enedictus Deus & Pater Domini I E s v Christi,  
Pater misericordiarum, & Deus totius conso-  
lationis, qui consolatur nos in omni tribulatione  
nostra.

Ÿ. Iusti decantauert, Domine, nomen san-  
ctum tuum. Iusti.

℞. Victtricem manum tuam laudauerunt pari-  
ter. Nomen. Gloria. Iusti.

Ÿ. Adorabant sancti viuentem in sæcula.

℞. Et mittebant coronas suas ante thronum  
Dei.

### Ad Sextam, Capiculum. Sap. 12.

**O** Quàm bonus & suauis est, Domine, Spiritus  
tuus in omnibus; ideoque eos qui exerrant,  
partibus corripis, & de quibus peccant admones,  
& alloqueris, vt relictæ malitia credant in te Do-  
mine.

Ÿ. Adorabant Sancti, viuentem in sæcula.  
Adorabant.

℞. Et mittebant coronas suas ante thronum  
Dei. Viuentem. Gloria. Adorabant.

Ÿ. Dignus es Domine Deus noster.

℞. Accipere gloriam, honorem, & virtutem.

### Ad Nonam, Capiculum.

**T**V autem dominator virtutis, cum tranquilli-  
tate iudicas, & cum magna reuerentia dispo-  
nis nos: subest enim tibi, cum volueris, posse.

Ÿ. Dignus es Domine Deus noster. Dignus.

Acci-

## Gratiarum actionis.

13

Accipere gloriam, honorem, & virtutem. Domine. Gloria. Dignus.

V. Ab insurgentibus in me exaltabis me.

R. A viro iniquo eripies me.

In secundis Vesp. omnia vt primis, excepta  
Antiph. ad Magnificat.

Domine Rex omnipotens, in ditione tua cuncta sunt posita, & non est qui possit resistere voluntati tuae, si decreueris saluare Israël.

Missale de SS. Trinitate, cum secunda Oratione  
pro Gratiarum actione.



HERIOT: UNIV:



JACOBSON





